

Belma Kapo, delegatkinja u DN Parlamenta Federacije BiH

PARLAMENT FEDERACIJE BIH

Dom naroda

n/r predsjedavajućeg. gosp. Tomislav Martinović

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-03-2023

Org. jed.	Broj	Priloga	Vrijednost
02	-02-	1207	123

U skladu s članom 164. stav 1. Poslovnika o radu Doma naroda („Sl. novine FBiH“ broj: 27/03 i 21/09), radi razmatranja i usvajanja po skraćenom postupku podnosim **prijedlog Zakona o dopuni Krivičnog zakona Federacije Bosne i Hercegovine.**

Prijedlog (skraćeni postupak)

ZAKON O DOPUNI

KRIVIČNOG ZAKONA FEDERACIJE BOSNE I HERCEGOVINE

Obrazloženje:

Svjedoci smo sve češćih verbalnih i fizičkih napada na zdravstvene djelatnike vrlo čestu uz prijetnju vatrenim oružijem što je najčešće slučaj nasilja nad farmaceutima u apotekama.

U posljednjih godinu dana u Federaciji BiH registrovano je preko 20 slučajeva prijavljenog nasilja nad zdravstvenim djelatnicima kako u domovima zdravlja, ambulantama, bolnicama tako i u apotekama.

Molim da se usvoje izmjene Krivičnog zakona Federacije Bosne i Hercegovine kako bismo pridonijeli aspektu povećane sigurnosti u oblasti zdravstva.

U prilogu prijedlog izmjena.

Sarajevo, 30.03.2023. godine

PRIJEDLOG
(bosanski jezik)

ZAKON
O DOPUNI KRIVIČNOG ZAKONA
FEDERACIJE BOSNE I HERCEGOVINE

Sarajevo, 30.03.2023. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Postupajući u skladu sa članom 164. stav 1. Poslovnika Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), upućujem Prijedlog zakona o dopuni Krivičnog zakona Federacije Bosne i Hercegovine po skraćenom postupku.

ZAKON O DOPUNI KRIVIČNOG ZAKONA FEDERACIJE BOSNE I HERCEGOVINE

Član 1.

U Krivičnom zakonu Federacije Bosne i Hercegovine ("Službene novine Federacije BiH", br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17) iza člana 359 a. dodaje se novi član 359 b. koji glasi:

"Član 359b.

Napad na zdravstvenog djelatnika

- (1) Ko napadne ili ozbiljno prijeti da će napasti zdravstvenog djelatnika u vršenju poslova pružanja zdravstvenih usluga ili poslova u direktnoj vezi sa pružanjem zdravstvenih usluga, kaznit će se kaznom zatvora od tri mjeseca do tri godine.
- (2) Ako je krivičnim djelom iz stava 1. ovog člana zdravstveni djelatnik lahko tjelesno ozlijeđen ili je krivično djelo iz stava 1. ovog člana učinjeno uz prijetnju upotrebom oružja, učinitelj će se kazniti kaznom zatvora od šest mjeseci do pet godina.
- (3) Ako je krivičnim djelom iz stava 1. ovog člana zdravstveni djelatnik teško tjelesno ozlijeđen, učinitelj će se kazniti kaznom zatvora od jedne do deset godina."

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".

O B R A Z L O Ž E N J E
ZAKONA O DOPUNI KRIVIČNOG ZAKONA FEDERACIJE BOSNE I
HERCEGOVINE

I – USTAVNI OSNOV

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano, da je Parlament Federacije Bosne i Hercegovine nadležan za donošenje Zakona o vršenju funkcije federalne vlasti.

II – RAZLOZI ZA DONOŠENJE ZAKONA

III - OBRAZLOŽENJE POJEDINIH ZAKONSKIH RJEŠENJA

IV – FINANSIJSKA SREDSTVA

Za provedbu ovog zakona nije potrebno osigurati dodatna finansijska sredstva u Budžetu Federacije BiH.